



**Forum Competens Quæstionibus ex Universo Jure
selectis, atque ad praxin utilissimis illustratum, Seu
Tractatus Canonico-Civilis**

Friderich, Melchior

Ingolstadium, 1709

§. III. Citatus ad Forum non competens an teneatur comparere.

[urn:nbn:de:hbz:466:1-61662](#)

facere non posset, si per solam citationem vel litis contestationem jus quæsumum fuisset adversario ad forum incompetens citato. Imò Menoch. l. c. n. 118. ad incurriendam poenam non tantum sententiam, sed etiam ejus executionem requiri existimat.

§. III.

Citatus ad Forum non competens an teneatur comparere.

SUMMARIUM.

14. Tenetur citatus comparere, tametsi dubium sit de competentia Fori.
15. Præsumptio, quæ stat pro Iudice, prævalet illi, quæ est pro cito.
16. Exemptus privilegio in Corpore Iuris clauso non tenetur comparere; tenentur alij.
17. Etiam coram Iudice delegato.

14. Alterum hoc dubium est, quod ex dictis nascitur. In eo resolvendo pugnare inter se leges videntur. Nam L. 5. ff. de Iudic. dicitur: *siquis ex aliena jurisdictione ad Prætorem vocetur, debet venire.* Ita pariter loquuntur C. cum parati 19. de Appell. C. veniens 15. jun. Gloss. fin. de Accus. C. cum persona 7. de Privil. in 6. E contrario, ut ait Ulp. L. 3. ff. eod. non videtur frustrandæ actionis causâ latitare (ac idcirco nec contumax esse) qui præsens (licet in judicio adesset) suscipere judicium non compellitur. Et contumaces non videntur, ut dicit JC. L. contumacia 53. §. 3. ff. de Re jud. nisi qui, cum obedire deberent, non obsequantur: *id est, qui ad jurisdictionem ejus, cui negant obsequi, pertinent.* Ad has similèque leges conciliandas communiter DD. hos casus distinguunt, & distinguendos aiebant Cameræ Imp. Assessores teste Mynsing. cent. 6. obs. 7. n. 3. Primus est, si certum sit, citatum de foro citantis esse. Alter, si è contrario certum sit & evidens, quòd citatus non sit de foro citantis. Tertius, si dubium est, sitne an non de ejus foro & jurisdictione. In primo tenetur comparere,

parere, ne reddatur contumax. *cit. L. contumacia.* Pariter compare re tenetur in tertio. *cit. L. 5. ff. de Iud. & L. 2. ff. si quis in jus vocat.* In secundo casu non tenetur comparere citatus, idque probant *cit. L. 3. & 53. C. si à Iudice de Appell. in 6. L. Præses 2. C. de Interdict. Clemen. Pastoraleis §. Pisanaque de Sent. & re jud.*

15. Ex his tribus assertionibus, secunda, quā dicitur, in dubio de foro competente teneri citatum comparere, difficilis apparet propterea, quia citatus est in possessione suæ libertatis, quā deiici nequit per præsumptionem aliámve probabilem duntaxat rationem pro jurisdictione citantis pugnantem: cùm notum sit, neminem sua possessione privandum esse ex probabili tantum jure adversarij. Videtur igitur adhoc, ut citatus comparere teneatur, liquidè constare debere de jurisdictione citantis. Verū respondetur, præsumptionem, quam habet pro se, qui cæteroquin in hoc territorio, vel in certas causas & personas præest, prævalere præsumptioni, quæ stat pro libertate citati, versantis in hoc territorio, aut causam habentis in eo genere, in quo ille fundatam jurisdictionem habet. *Prætoris est enim*, inquit Ulp. *cit. L. 5. astimare, an sua sit jurisdictione: vocati autem, non contemnere auctoritatem Prætoris,* id est, ad reum non pertinet in dubio judicare de jurisdictione citantis, sed potius ad citantem, cùm sit in quasi possessione juris citandi, sítque pro ipso præsumptio, quòd legitime citet & suæ jurisdictionis meliorem notitiam habeat, quā reus, qui gerit personam privatam.

16. Tertia assertio, quā dicebatur, citatum non obligari comparere, si certum sit, quòd non sit de foro citantis, falsa videri potest. Nam notum est ex *C. 2. de Constit. in 6. L. fin. ff. de Iurisdiction. & L. fin. C. si à non competit Iud.* Judicem in eum, qui est alienæ jurisdictionis, nullam habere potestatem, & impunè ipsi non pareri: & nihilominus dicitur *cit. L. 5. si quis ex aliena jurisdictione ad Prætorem vocetur, debet venire.* Tametsi ergò notum sit, quòd citatus non sit subjectus citanti, utpote ex aliena jurisdictione, tenetur comparere. Sequelam hanc distinguunt Paul. Cast.

L. i. consil. 481. n. 6. Alexand. in *L. 2. ff.* *siquis in jus voc. n. 14.*
Felin. in C. cùm ordinem de Rescr. n. 8. Pet. Barbosa ad *L. 5. ff.*
Iudic. n. 34. ac alij, dicendo : si Judex per se & ipso jure non ha-
 bet jurisdictionem in citatum, non valet citatio & processus. Va-
 let verò, si per se & ipso jure Judex in citatum habet jurisdictionem,
 quæ tamen oppositâ aliquâ exceptione elidi possit, v. g. pri-
 vilegij, præscriptionis &c. tunc enim citatus comparere tenetur
 & exceptionem opponere ; secùs, procedi contra ipsum in con-
 tumaciam potest , valètque processus. Alij cum Panormi. in *C. si*
duobus de Appell. n. 4. § 15. quos citat Felin. l.c. § in cit. *C. si duo-*
bus n. 13. absolute pronuntiant, si notoria sit exceptio citati , non
 valere citationem & processum tanquam contra contumacem :
 & favet cit. *L. 3. ff. de Iudic.* *L. 53. ff. de Re judic.* Clem. *Pastoralis*
de Sent. § re jud. Has opiniones conciliari posse existimo cum
Lavm. in C. cùm ordinem 6. de Rescript. n. 12. ac Oliva p. 8. *For-*
ri Eccles. q. 11. n. 25. & dico , citatum ab ordinario Judice, si ex-
 emptum se prætentat, debere comparere & exemptionem alle-
 gare, si exemptus non sit Jure communi, sed solum jure speciali,
 v. g. præscriptione , aut privilegio speciali , quod Corpore Juris
 clausum non est: non verò teneri comparere, si exemptus est de
 Jure communi , uti sunt v.g. Religiosi Mendicantes à jurisdictione
 Episcopi, Clerici à jurisdictione laicorum, Studiosi &c. Ratio
 prioris partis est : quia exceptio Corpore Juris non contenta fa-
 cilè ignoratur , aut si nota est , hoc ipsum allegari & de eo cog-
 nosci debet , cùm in facto potius quām jure consistat. Ratio se-
 cundæ partis est : quia posterior exceptio æquè fundata est in
 Jure communi ac jurisdictione Iudicis , unde huic derogat tanquam
 species generi, ejusque allegatio & probatio frustrà petitur , cùm
 quæsure communi continentur, nota esse debeant Iudici. Hinc
 Clericus à Judice seculari citatus non tenetur comparere ad al-
 legandum Fori privilegium, dummodo ipsum Clericum esse ap-
 pareat. *Glossa. in C. convenior 23. q. 8. v. congrueret & in C. Nul-*
lus Episcopus 11. q. 1. v. vel exhibeat, Perez L. 1. ordinat. tit.
3. leg.

3. leg. 1. Gratian. reg. 9. n. 10. Jul. Clavis L. 5. Sentent. §. fin. q.
 36. Sanchez. in Opusc. Moral. L. 6. c. 1. dub. 1. n. 12. Quaecumque autem ex dictis opinionibus teneatur, assertioni nostræ non obstat eit. lex 5. solum enim dicimus, non teneri comparere citatum, si constet, quod citans nullam in ipsum jurisdictionem de Jure communi habeat; hoc autem receptum est inter DD. & notum ex cit. Juribus, favetque illa ipsa lex 5. dum ait, Prætoris esse aestimare, nam sua sit jurisdiction: quibus verbis innuitur, tunc comparere citatum debere, quando de sua jurisdictione cognoscere debet Judex, id est, si est aliquo modo incertum, num citatus sit ex aliena jurisdictione; aut si de Jure communi est de foro competente citantis, an habeat specialem aliquam exemptionem. Addunt aliqui cum Panor. Felin. Decio, Navarro, deberre defectum jurisdictionis notum esse non tantum citato, sed etiam citanti: huic enim si notus non sit, procedi contra absensem tanquam contumacem posse. Verum textus C. si duobus 7. de Appel. quo id probant, non loquitur de casu, quo citans nullam in citatum jurisdictionem habet; sed de illo, qui habet ordinariam aut delegatam, nescit tamen, quod citatus appellaverit: quo casu nemo negaverit, citatum debere comparere & appellationem coram Judice interponere.

17. Quæ modò dicta sunt, non tantum de Ordinario, sed etiam de Delegato Judice procedunt: nam si etiam hic aliquem citat, citatus in dubio tenetur comparere, cum non minus quam Ordinarius cognoscere possit, utrum sua sit jurisdiction. C. super literis de Rescript. Est nihilominus hic quoque discrimin inter ipsum & Ordinarium: hic enim fundatam habet suam intentionem super jurisdictione in omnes, qui in ejus territorio reperiuntur, aut ex illo personarum genere sunt, in quos ipsi competit jurisdiction, ac idcirco absque allegatione & probatione jurisdictionis obligatur citatus comparere: Delegatus vero, cum non habeat ita fundatam suam intentionem, tenetur litteras delegationis exhibere C. cum in jure 3. de Offic. deleg. nec tenetur citatus comparere,

parere, nisi citationi inserta sit copia rescripti delegationis. *L. un.*
C. de superindicto. L. si quis i. C. de Mand. princ. cit. C. cum in jure
 3. Pari ratione juxta Baldum aliósque, quos refert Petr. Barbosa
 ad *L. 5. ff. de Iudic. n. 10.* si Judex sit particularis, qui in paucis ha-
 bet jurisdictionem, non tenetur citatus comparere, nisi in ipsa
 citatione inseratur justa causa, propter quam comparere debeat.

*§. I V.**An Iudex possit cognoscere de Competen-
tia sui Fori.***S U M M A R I U M**

18. *Potest Iudex Ordinarius in dubio de sua jurisdictione cognoscere.*
19. *Quin etiam Delegatus.*
20. *Etsi huic obiectatur defectus omnis jurisdictionis.*
21. *Multis in casibus neuter potest.*
22. *Valent acta Iudicis incompetentis, si sententia super competen-
tia transit in rem judicatam.*
23. *Nisi delegatio facta sit ab eo, qui delegandi potestatem non ha-
buit: aut rescriptum delegationis sit supposititum.*
24. *Aut pronuncians super sua jurisdictione scriverit se nullam ba-
bere.*
25. *Ad fundandam jurisdictionem sufficit quandoque tacita solum
pronunciatio.*
26. *A sententia Iudicis competentem se pronunciantis datur appella-
tio.*
27. *Ad obtainendum processum sufficit quandoque sola narratio qua-
litatis jurisdictionem tribuentis.*
28. *Sæpe non sufficit.*
29. *Iudex se incompetentem pronuntians partem vietam in expen-
sas condemnare potest.*
18. *Cum in dubio de subjectione comparere citatus tenea-
tur, ut modò dictum est, quæstio mox oritur, num hoc dubium
ipse*